



Mjåtveitlvens forening v/Kjetil Tufte
Rosslandsvegen 336
5918 FREKHAUG

Referanser:

Dykkar:

Vår: 17/1603 - 18/13898

Saksbehandlar:

Marius Flemmen Knudsen

marius.knudsen@meland.kommune.no

Dato:

22.06.2018

Løyve til kantklipping langs sti ved Mjåtveitelva

Administrativt vedtak. Saknr: 140/2018

Saksutgreiing:

Mjåtveitlvens forening v/Kjetil Tufte søker i epost dagsett 04.06.2018 om løyve til å slå gras på stien som går langs Mjåtveitelva frå brua ved Mjåtveitvegen og ned til fossen, då det er mykje vegetasjon langs stien. Dei søkte om same tiltak i 2017, og fekk løyve til å slå ½ meters bredde på kvar side av stien.

Vurdering:

I ny kommuneplan(KPA) av 17.06.15 ble det lagt ei vernesone på 30 meter på Mjåtveitelva, 15 meter på kvar side frå midten av elva (H 560_Mjåtveitelva). Vernesona skjermar vassdraget og vegetasjonssona mot alle inngrep, jf. pkt. 4.3.3 planføresegner i kommuneplanen sin arealdel. Grunnen for vernesona er at Mjåtveitelva har lokalt-, regional- og nasjonalt viktig naturmangfald knytt til vassdraget og vegetasjonen langs vassdraget. Vidare opnar punkt 4.3.3 i planføresegna for at det kan leggjast til rette for ferdsel langs vassdraget i vernesona, men at ei eventuell tilrettelegging skal skje med minimale terrenginngrep.

Administrasjonen vurderer at tiltaket fell inn under tilrettelegging for ferdsel, og at tiltaket kan gjennomførast utan terrenginngrep. Administrasjonen meiner det er positivt om tiltaket fører til auka bruk og ferdsel langs vassdraget.

Administrasjonen legg til grunn for søknaden at det skal klippast/slås i same bredde som i 2017, altså ½ meter på kvar side av stien, til saman 1 meter breidt. Administrasjonen meiner at kantklippinga langs stien ikkje vil påverka vegetasjonen langs vassdraget i stor grad. Men det må ved gjennomføring av tiltaket takast omsyn til trær og større busker, slik at ein unngår å gjere skade på dei. Då desse er viktige element for kantsona.

Postadresse

postmottak@meland.kommune.no

Postboks 79, 5906 Frekhaug

Besøksadr: Havnevegen 41 A

5918 Frekhaug

Kontakt

www.meland.kommune.no

Telefon +47 56 17 10 00

Telefaks +47 56 17 10 01

Konto 1503 98 36413

Org.nr. 951 549 770

Kartinfo: www.nordhordlandskart.no

Administrasjonen har vurdert tiltaket etter prinsippa i Naturmangfaldslova (NML) §§ 8- 12, jf. NML § 7. Det er registrert spesielle miljøverdiar i området etter ein gjennomgang av artskart og naturbase, jf. NML § 8. I naturbase er det registrert ein raudlista art i vassdraget, elvemusling. Samstundes er det registrert naturtype rik sump- og kildeskog med verdi viktig (B) langs heile nedre del av vassdraget. Det er også registrert ein nasjonal forvaltningsart gråsisik. Den nedre delen av elva, nedanfor fossen er også sjøaure førande.

Administrasjonen meiner det ligg føre nok kunnskap om naturverdiane i område og at dei verknader tiltaket kan ha på naturmiljøet, føre-var- prinsippet gjer seg difor ikkje gjeldane, jf. NML § 9.

Administrasjonen har vurdert det til at kantklipping av ein halv meter på kvar side av stie, truleg ikkje vil påverke elvemusling eller sjøaure. Det skal klippast eit smalt belte langs stien, og det vil fortsatt vere vegetasjon igjen mot vassdraget. Vidare meiner administrasjonen at det er lite truleg at gråssik vert påverka av tiltaket. Når det gjeld naturtypen meiner administrasjonen at gjennomføring av tiltaket vil ha mindre påverknad på naturtypen. Kantklipping vil fjerne gras og urter nærmast stien, men det vert ikkje opna for å fjerne tre eller større busker. Etter naturtypens faktaark er den mest sårbar mot fysiske inngrep og framande artar. Tiltaket vil lette ferdsel og gjere område meir attraktivt for ferdsel, men administrasjonen meiner at det ikkje er i strid med prinsippa i NML § 10 om samla belastning. Område har vore nytta til friluftaktivitetar over lang tid, og administrasjonen legg til grunn at folk som ferdast til fots på vanleg måte vil ha mindre påverknad. Prinsippa i §§ 11 og 12 gjer seg ikkje gjeldane.

Etter ein samla vurdering meiner administrasjonen at tiltaket ikkje er i strid med prinsippa i naturmangfaldslova §§ 8-12.

Administrasjonen vil etter ein samla vurdering gå inn for at søkjar kan få gjennomføre omsøkt tiltak som planlagt. Administrasjonen vil påpeike at gjennomføring av tiltak må skje med grunneigars løyve og i samråd med grunneigar. Administrasjonen legg til grunn at det vert rydda ½ meter på kvar side av stien, til saman 1 meter. Kantklipping må gjennomførast skånsamt, slik at ein ikkje feller, ryddar eller skader trær eller busker.

Vedtak

«Meland kommune gjev Mjåtveitlvens forening v/Kjetil Tufte løyve til å klippa/slå vegetasjon langs stien som går langs Mjåtveitlva. Det skal gjerast på strekninga frå brua i Mjåtveitvegen og til fossen. Det skal ikkje slås/klippast breiare enn ½ meter på kvar side av stien, til saman 1 meter. Det skal ikkje fellast trær eller busker, og det skal takast omsyn til desse slik at dei ikkje tek skade av tiltaket.

Søkjar må ha løyve frå grunneigarar før gjennomføring av tiltaket.

Frist for gjennomføring av tiltaket vert satt til 22.07.2018. Meland kommune skal orienterast når tiltaket er gjennomført.

Vedtaket har heimel i kommuneplanens planføresegn pkt. 4.3.3.»

Mynde

Saka er handsama og avgjort administrativt i medhald av delegert mynde, jf. kommunelova § 23 nr 4 og gjeldande delegasjonsreglement.

Klage

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klagt på i vedtaket, og kva endringar ein ønskjer. Klagen skal grunngjevast.

Med helsing

Anny Bastesen
sektorsjef teknisk

Marius Flemmen Knudsen
skog- og miljøkonsulent

Dokumentet er elektronisk godkjent og har difor ingen signatur.

Mottakere:

Mjåtveitlvens forening v/Kjetil
Tufte

Rosslandsvegen 5918
336

FREKHAUG